

Isch dr Ruef mau ruiniert

Hey, vo dir ghört het me lang nüt meh,
ligts äch a de Allgorythme
oder wöu di eismau bsoffe
hesch uf Social-Media verloffte

Das Biudli denn wo du fasch blutt
U drigluengt hesch o rächt kaputt
Das chasch nid schnäu Mau uselösche,
wöu ds Internet, das chasch nid eifach wösche

**Wed's de ändlech hesch kapiert
Isch de eh scho z viu passiert
Doch isch dr Ruef mau ruiniert
Läbt sech's ganz guet ungeniert**

Hey, vo dir ghört het me lang nüt meh,
ligts äch a de Allgorythme
oder wägem Micro-Targetting
däm psycho-profilerte Facebook-Ding

Was me geschter besser nid postet hät,
vernimsch du hüt im Gruppe-Chat
was süsch so geit u wär mit wäm
erfahrst du hüt uf Instagram

**Wed's de ändlech hesch kapiert
Isch de eh scho z viu passiert
Doch isch dr Ruef mau ruiniert
Läbt sech's ganz guet ungeniert**